



**ISNIN, 8 OGOS 2022
UNTUK SIARAN SEGERA**

**PESAWAT LATIHAN TERSASAR DARI LANDASAN
DI LAPANGAN TERBANG ANTARABANGSA LANGKAWI**

PUTRAJAYA – Pihak Berkuasa Penerbangan Awam Malaysia (CAAM) mengesahkan satu insiden membabitkan sebuah pesawat latihan jenis Diamond DA-42D, 9M-HMY di Lapangan Terbang Antarabangsa Langkawi, Kedah pada 11:01 pagi, Isnin, 8 Ogos 2022. Pesawat yang dikendalikan oleh HM Aerospace Sdn. Bhd. (HMA) telah hilang kawalan semasa pendaratan dan tersasar keluar dari landasan.

Kedua-dua juruterbang tidak mengalami sebarang kecederaan dan sedang menunggu pemeriksaan perubatan. Pesawat telah dialihkan pada pukul 12.05 tengahari dan pemeriksaan penuh landasan telah dilakukan untuk memastikan keselamatan operasi lapangan terbang. Landasan dibuka semula pada pukul 12.20 tengahari. Siasatan lanjut akan dilaksanakan oleh Biro Siasatan Kemalangan Udara di bawah Kementerian Pengangkutan Malaysia mengikut Bahagian XXVI Peraturan-Peraturan Penerbangan Awam 2016.

Sebagai salah satu usaha CAAM ke arah mempromosikan keselamatan penerbangan, kesemua Pengurus dan Ketua Pegawai Eksekutif daripada organisasi-organisasi latihan penerbangan akan dipanggil untuk taklimat keselamatan. Kesemua aspek keselamatan pesawat dalam ekosistem organisasi latihan penerbangan akan dikaji semula untuk penambahbaikan bagi meningkatkan lagi tahap piawaian keselamatan semua pihak dalam industri penerbangan.

DATUK KAPTEN CHESTER VOO
Ketua Pegawai Eksekutif
Pihak Berkuasa Penerbangan Awam Malaysia